

A.G.E.C.A  
177, carr de CHARONNE  
75011 PARIS.

PRESIDENT : Alan SIBE  
SECRETARIA : Nicòla BORNES

Membres presents o representats : 27

1 - RAPORT D'ACTIVITAT.

Alan SIBE duerb la discutida sul rapòrt d'activitat .

L. LESCOUritz qu'apròva lo rapòrt mas pensa que dos punts, lo butletin e lo project d'estatgi, auriàn meritat mai d'atencion de la part del C.A.

Aquela observacion es la debuta d'una discutida sul butletin : quelques uns pensan que lo butletin es lo melhor biais de far concisser l'I.E.O - R.P a l'enfòra; maites pensan que, pel moment, pòt pas es er una prioritat.

Lo rapòrt d'activitat es adoptat amb :

Per : 21  
Contra: 0  
Abstencions: 3  
Arrefús de votacion: 0

2 - RAPORT FINANCIER

Lo president duerb la discutida sul rapòrt financier.

J.R. DELPLA demanda qual es lo nombre d'aderents a l'ora d'ara e qual era l'annada passada lo jorn de l'amassada generala : 63 aderents an pagat lor escotisson 1984 e se veis que i a una diminucion per raport a l'annada passada.

Lo rapòrt financier es adoptat amb :

Per : 25  
Contra : 0  
Abstencion : 1  
Arrefús de votacion : 0

3 - VOTACION DEL C.A.

Domenge ALIBERT presenta l'equipa novela e lo programa que se trapan dins lo butletin "OCCITANS A PARIS - Especiau A.G 84".

Als noms que se trapan dins lo butletin -- Domenge ALIBERT, Nicòla BORNES, Monica FOISSAC

Anna-Glaudia LAMUR, Joan-Peire THEBAULT, Joan VILOTA - cal ajustar lo de Elisabeth MARTY .

D. ALIBERT insistís sus qualques punts del programa :

- Cambiar lo foncionament del C.A e sas relacions amb la seccion; lo C.A deu esser una equipa coherenta e per aquo es una lista unida que se presenta a la votacion; mas totis los adherents son convidats a participar als trabalhs e a las amassadas del C.A.

- Modificar la gestion e lo comportament de l'I.EO- R.P.

Cal ne far una "entrepresa de cultura".

Lo primier investment que se deu e pòt far es la logacion d'un local.

Un autre es la publicacion d'un anuari occitan amb totas las entresenhas utilas pels occitans de Paris, pagat per la publicitat e acompanhat de la presentacion de l'Occitania e de l'occitanisme.

- Prener los occitans onte son e coma son es a dire quitament s'an pas de "posicions nacionalistas avançadas".

- Mantener e far creïsser las activitats dels sectors Recerca, Animacion, Espandiment e los cors de lenga e de danças.

F. Sarraille e J.L. Bachery dison qu'aquel programa es força bon mas lo problema es de far coneisser a l'enfòra aquélas activitats.

Los membres de l'equipa nov-la dison qu'esperan de mond per trabalhar amb els.

Glaudi Lialhes es voluntari; J.L. Bachery ditz que pòtz partecipar al sèctor Recerca.

L.Lescou ditz que, e es per el una question de principe, la votacion deu se far per persona e pas per una equipa.

Ditz atal ben que lo project de bulletin scientific i sembla pas bon; val melhor far un butletin mens especializat que se legirà melhor.

Se discutís atal ben del problema del escotisson; lo project que se trapa dins lo butletin es modificat : l'escotisson s rà de 150 F. mas lo mond serà convidat a far un don per rapòrt a son revengut; aquel don pòrà esser dedusit pel pagament de las talhas sul revengut.

A prepaus del project de biblioteca, J.R. Delpla remembra lo fond de biblioteca caissat a l'I.EO-R.P per J.F. LOUBLERRE.

Se passa a las votacions.

Lafitte e Lescou remembran que son contra la votacion per una equipa.

Lescou fa coneisser qu'es candidat mas los membres de la lista dison que, per eles tanben es una question de principe, e que pòdon pas se presentar un per un.

Fin finala, Lescou retira sa candidatura e la votacion se fa :

Per	: 24
Contra	: 2
Abstencion	: 1
Arrefús de votacion	: 0

L'equipa es elegida.

Lo president clau l'amassada.

Domenge ALIBERT anoncia que la primera reunion del C.A. se farà lo dijous 14 de junh a 8 oras del ser.